



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Concilium Sev Conventvs Episcoporum Dvplex, In Qvorvm Altero Apvd
Pictavos Iniecta est, in altero apud Guntramnum regem confirmata
excommunicatio in Chrodielde & reliquas moniales quae a sanctae ...

urn:nbn:de:hbz:466:1-15221

CONCILIVM
APVD SAVRICIACVM VILLAM
QVOD DROCTIGISILO EPISCOPO SVSESSIONENSI,
vt vrbem suam, cuius aditu prohibebatur, ingredi
liceret, constituit, anno Christi DXXCIX.

DROCTIGISILO episcopo Sueffionensi obiiciebatur amentia,
maleficio, vt fama erat, inflita: alii nimio potu contractam
ferebant. Reiseriem exponit Gregorius Turonensis libro IX. historie
cap. XXXVII. Erat, inquit, apud vrbem Sueffionas his die-
bus Droctigisilus, qui propter nimiam, vt ferunt, potatio-
nem, quarto instante anno sensum perdiderat. Asserebant
enim multi ciuium quod hoc ei maleficiis accessisset per
emissionem archidiaconi, quem ab honore repulerat: in
tantum, vt intra muros vrbis hanc amentiam magis habe-
ret; si vero de ciuitate fuisset egressus, agebat commodius.
Cumque rex supradictus, Theodebertus Childeberti fi-
lius, ad vrbem venisset, & hic melius ageret, permitteba-
tur ingredi vrbem propter regem qui aduenerat. Et licet
esse vorax cibi, ac potator vini extra modum, quam sacer-
dotalem cautelam decet; tamen nullum de eo adulterium
quispiam est locutus. Verumtamen in sequenti, cum apud
Sauriacum villam episcoporum Synodus aggregata
fuisset, iussum est, vt liceret ei ingredi vrbem suam.

CONCILIVM SEV CONVENTVS
EPISCOPORVM DVPLEX,

IN QVORVM ALTERO APVD PICTAVOS INIECTA
est, in altero apud Guntramnum regem confirmata ex-
communicatio in Chrodiel� & reliquas moniales
quaꝝ a sancta Radegundis monasterio recefferant, anno
Christi DXXCIX.

IN monasterio Pictauensi, post excessum beatæ Radegundis, gravis
lorta est perturbatio, cuius auctor & princeps fuit Chrodiel�,
Chariberti quondam regis filia. Hæc enim Lenbouerae abbatissæ

ANNO CHRISTI 589. *Suae, cuius locum affectabat, imperium non ferens, cum Basina consobrina, Chilpericifilia, & aliis amplius quadraginta pueris, quas in partes suas traxerat, monasterio egressa, Turonos ad Gregorium episcopum, inde ad Guntramnum regem in Burgundiam profecta est, multis ubique abbatissam conuiciis falsisque criminibus infestans. Post haec cum sodalibus, quas Turonis reliquerat, Pictauos reuera, beati Hilarii basilicam insedit; collectaque perditorum hominum manu, ibi se communiit, negans se ad monasterium nisi electa Leubonera reddituram. Quin etiam cum ad eas Gundegisilus Burdigalensis metropolitanus, cum Nicasio Engolismensi, Saffario Petragorico, & Maroueo Pictauensi, ad monasterium reducere cupiens aduenisset, obstinatusque reluctantibus excommunicationem indiceret, sic in eos repente illa sacerdorum turba graffata est, ut clericis sanguine respersis episcopi vix evaserint. Cum has ergo Gundegisilus, ut dictum est, a communione submonisset, epistolam ex suo fratre que nomine conscripsit ad episcopos, qui tunc a Guntramno regre, ut hoc Chrodieldis cum abbatissa diffidium discuterent, erant aggregati. Sed epistolæ huius exemplar non extat. Rescriptum autem episcoporum apud Gregorium Turonensem libro IX. cap. XL I. est huiusmodi.*

R E S C R I P T V M E P I S C O P O R V M
qui apud Guntramnum regem erant ad episcopos
qui Pictauis Chrodieldem & reliquas monachas
illi adhaerentes excommunicarant.

*Dominis semper suis atque apostolica sede dignissimis, Gundegisilo,
Nicasio, & Saffario, AEtherius, Syagrius, Aunacharius,
Hesychius, Agricola, Vrbicus, Felix, Veranus, item
Felix, & Berthcramnus episcopi.*

LITERAS vestræ beatitudinis quantum reserante nuntio
de vestra sospitate gauisi exceperimus, tantum de iniuria quam vos pertulisse signastis, non modico mœrore adstringimur, dum & regula transcendor, & nulla rene-
rentia religioni seruatur. Sed quia indicastis monachas, quæ de monasterio bona memoria Radegundis instigan-
te diabolo fuerunt digressæ, quod nullam a vobis acquie-
uerint correctionem audire, nec intra monasterii sui se-
pta, de quo egressæ fuerant, voluissent reuerti: insuper
basilicæ domini Hilarii per cædes vestras vestrorumque

Gregor.
Tur. libro
9. c. 41.

iniuriam intulisse. Quapropter ipsas a communionis gratia visi fueritis suspendere: ac per hoc nostram exinde mediocritatem elegistis consulere. Igitur quia optime vos nouimus statuta Canonum percurrisse, ac regulae plenitudinem continere, vt qui in talibus excessibus videntur deprehendi, non solum excommunicatione, verū etiam poenitentiae satisfactione debeant coerceri: ea de re addentes cum venerationis cultu summæ auiditatis dilectionis instantium, indicamus ea quæ definitis nos concordantes vestræ sententiæ consentire; quoadusque in synodali Concilio Kalendis Nouembris pariter positi debeamus consilio pari tractare, qualiter talium temeritas frenum distinctionis possit accipere, vt deinceps nulli liceat sub hunc lapsu faciente iactantia similia perpetrare. Atamen quia nos sua dictione dominus Paulus apostolus indefinenter videtur monere, vt opportune importuneque debeamus quoscumque credentes sedula prædicatione corrigere, & pietatem protestatur ad omnia utilem esse: ideo suggerimus, vt adhuc oratione assidua Domini misericordiæ deprecemini, vt ipse spiritus compunctionis ipsas inflammare dignetur, vt id quod per delictum visæ sunt contraxisse, digna satisfactione poeniteant: vt in monasterio suo vestra prædicatione animæ, quæ quodammodo perierunt, propitio Christo reuertantur: vt ille qui vnam humeris illatam errantem ouem ad ouile reduxit, & de istarum transgressione, quasi acquisito gregi, congaudere dignetur: hoc specialius postulantes, vt pro nobis intercessionum vestrarum suffragia indefinenter, vt confidimus, tribuatis.

S V B S C R I P T I O N E S.

Peculiaris vester Ætherius peccator salutare præsumo.

Cliens vester Hesychius reuerenter audeo salutare.

Amator vester Syagrius reuerenter saluto.

Cultor vester Vrbicus peccator famulanter saluto.

Venerator vester Veranus episcopus reuerenter saluto.

Famulus vester Felix salutare præsumo.

Humilis vester atque amator Felix audeo salutare.

Humilis atque obediens vester Berthramnus episcopus audeo salutare.

NOTA

PELAGIVS C. NARBONENSE. MAVRICIVS IMPERATOR.
P. II. RECCAREDV S REX GOTH. 145

ANNO
CHRISTI
589.

NOTA IACOBI SIRMONDI
SOCIETATIS IESV.

[Post excessum beatae Radegundis.] Obiisse feria quarta die 13. Augusti beatam Radegundem omnes consentiunt, eumque Childeberti annum fuisse duodecimum auctor est Gregorius Turonensis libro 9. cap. 2. Et feria porro, & annus Childeberti, annum Christi prorsus indicant 587. Quare hoc anno illam obiisse statuendum est. Qui enim ad annum Christi 592. eius obitum reiciunt, non animaduerunt ipsam Gregorii historiam, cum in 16. Childeberti anno desinat, ad hunc quem volunt annum Christi non procedere. Qui ergo potuit Radegundis mortem, cui interfuit, tot ante annis commemo rare, si nondum obierat? Maneat ergo, & anno quo diximus excessisse, & tumultum hunc monialium, qui biennio post secessus est, in annum Christi 589. incidisse, quem adscriptissimus.

* CONCILIVM ^b NARBONENSE
** RECCAREDI GOTHORVM IN HISPANIA
regis tempore celebratum, sub die Kalendarum No uembrium, æra DCXXVII. hoc est anno Christi DXXCIX.
Pelagii iunioris papæ XII. Clotarii II. regis VI.

TITVL CANONVM.

- I. *Vt clerici purpureis vestibus non induantur.*
- II. *Vt insine cuiusque psalmi, & per interualla maiorum, gloria dicatur.*
- III. *Vt clerici per plateas non sedent, nec confabulentur.*
- IV. *Vt dies dominicus ab omnibus obseruetur, & nulla eo die fiant opera.*
- V. *Vt clerici a conspirationibus abstineant, & qui inferioris sunt gradus in superiorum ne insurgant.*
- VI. *Vt cum clericis, qui ob culpas in monasterium retruduntur, sic agat abbas, vt ab episcopo fuerit constitutum.*
- VII. *Vt clericus qui aduersus ec- Concil. Tom. 13.*
- VIII. *Vt clericus qui de rebus ecclie fraudem fecerit, restituat, & pænitentia subiiciatur.*
- IX. *Vt Iudeis mortuos suos psal lendo deducere non liceat.*
- X. *Vt clericus episcopo non obediens Stipendio careat, & communione priuetur.*
- XI. *Vt absque literis qui est idiota non ordinetur.*
- XII. *Vt nullus clericus, dum Missa celebratur, de altario ante finem egredi audeat.*
- XIII. *Vt clerici omnes senioribus suis subiaceant, et illis exequenti bus, atque ingredientibus vela subleuent.*

T